


Bukuit ne Tilil nebo Lagok Kokonok



Kipsengwet, Koot ne kararan nebo Jehovah



Ne Kisire: Edward Hughes
Kisiben: Lazarus

Kiwole Konyo Kipsigis: Chebet Judith
Boisien: Sarah S.

Atindoniot nebo sitini en atindonik sitini

www.M1914.org

Bible for Children, PO Box 3, Winnipeg, MB R3C 2G1 Canada

Leshenit: Metindoi chamchinet ikopenu anan icheru atindoniondoni anan ialde.

Kipsigis

Ye kin komi jeiso ngw'onduni komwochi alamalaik akobo Kipsengwet. Kiguren "kotab kwandanyun" aki kile miten korik che chang.

Koot ko gaa ne kararan.

Wo kipsengwet ako kararan kosir koot age tugul en ngw'ony.



1


Kimwa Jeiso kole, "Awendi achobwok koret. Ako yowe, aweksei kogeny ak atachak anendet." Kiwo Jeiso kipsengwet, king'eet en meet. Ye kin kogere alamalaik, kimut Jeiso en boldet ak kostaigei en konyekwak.



2

Kong'eten yoton koibwate Kristianik koyomisetab Jeiso kole nyone kogeny ak komut ichek. Kimwa Jeiso kole weksei ye ma igeni chi. Ngwany ani kristianik che meitos komawek?

Mwae Bukuut ne Tilil kole bendi komeng'isye ak Jeiso. Komame chi en borto komiten ak Kiptayat.




OKOCHIN
JEHOVAH

3


Ng'ang'utiet, ko kitabut nebo let en Bukuit ne Tilil, mwowech agobo kororonindab kipsengwet. Kiit ne bo kamanut ko Kipsengwet ko kotab Jehovah.

Mi Jehovah olda tugul,
Mi Ngecherenyin
nebo Laitornatet.



4

Malakaisyek ak yautik alak chebo kipsengwet kolosu Jehovah en Kipsengwet. Agot biik tugul chebo Jehovah che ki komeyo komi Kipsengwet. Tieni tienwokik chekororon che ilosunen Jehovah.



5


Onchu ng'alek chemi tiendo agenge ne tieni:
INYOLUNOT AMUN KIISORWECH
AK IIALECH EN KORITIKUK
EN BORORYET AK KUTUSWEK
TUGUL AK IYAECH KEIGUN
KANDOIK AK TISIK CHEBO
JEHOVAH
(Ng'ang'utiet
5:9)



6

Pechisiek che letu en Bukuit ne Tilil ko aroru Kipsengwet ko "Jerusalem ne leel." Wo kot ak kotindo inatut negoi en biunyin. Kikichopen inatunoton koita ne kararan, ne motinye tisy. Tektoi inatusiek koiwek che kororon ak kotindo

kalaisiek
che kororon.
Kichoben
kurkotik
sonoyat agenge
ne kararan.




7

Kurkotikchoton chebo sonoek che mokigere. Ongebe keger... OCHEI! Kararan orit ab Kipsengwet. Kikichoben nganasanoton tahabu, gilasit ne lapa. Akot ortinwek ko kikiyaen tahabu.




8


Miten oinet nebo beek chebo sobet ne kararan nebune Ngecheret ab Bounotet. En komosta age tugul nebo oinet komi ketit ab Sobet, ne kimiten en tai en kabungut ab Eden. Ket kobo komonut. Ye logoek taman ak oeng, che terter en kila arawet. Ako sogekyik kosobe bounotosiek.



Motindo kipsengwet asista anan ko arawet. Mi lilindab Jehovah ne kiinyit ak loboyet. Mami kemout oloto.



Akot tiong'ik che mi kipsengwet koter. Mobo timin. Lelwek ak kechirek ko ame suswek tugul. Akot ng'etunyik koame mobek kou kirugik. Mwae Jehovah kole, "Maochegei anan kong'em tulwet ne tilil."



Ingesweite, kegere tuguk che momi kipsengwet. Momi ng'alekab nerekek. Mami chi ne tinye nge'tkong anan kobirige. Mami chapiisiek kurkotik, mami chorik Kipsengwet.



Mami kiplembechosiek, rumik, kipkerek anan ko biik alak che yach. Mami teng'ekekto age tugul kipsengwet.



Mami rikek en Kipsengwet. Kasarta age korirtos biik ab Jehovah en Ngw'onindo ne o en soboni. Wuse Jehovah rirek tugul en Kipsengwet.




Mami meet oloton. Sobtos koigeny biikab Jehovah. Makomi nyalilda, rirek ak ngw'onindo age tugul. Mami meet, mamiten saisere ako makomi meosyek. Tun kobaibai chi tugul kipkoi en kipsengwet ak Jehovah.



15

Nebo komonut kipkoi akobo kipsengwet ko tipik ak murenik (ak che yechen ak ichek) che iyoni Jeiso koik sorunindenywan ak kotegis inendet koik Kiptayandenywan. En kipsengwet komi kitabut ab arwet nebo sobet. Tindo kainutik ab biik. Ingen kainutik ab biik che sirotin en yoton? Biik tugul che iyoni Jehovah.

Tos mi kaineng'ung yoton ii?



16

Ng'alek ab let en Bukuit ne Tilil ne mwoe agobo Kipsengwet ne kararan ko kurset. "Mwae tamirmiryet ak murereret kole, 'Obwan!' Ago age tugul nekose kole 'Obwan!' AK inne ne ame melel konyo. AK netinye maget, koe beek ab sobet che

kikonu buch."



17

Kipsengwet, Koot ne kararan nebo Jehovah

Atindoniot nebunu Ngolyot ab Jehovah, Bukuit ne Tilil

kenyoru en

Johana 14; 2 Korintoek 5;
Ng'ang'utiet 4, 21, 22

"Chutunetab ng'alekuk kokonech laboyet."
Tienwokikab kolosunet 119:130

Ingen Jehovah kole kikeyai tuguk che yachen, che kuren Tengekto. Melektab Tengek ko meet.

Kichamech Jehovah kot missing, kot koyok werinyin, Jeiso, komechek en kimurtoiyot ak kolipan besendanyon. Kinyo Jeiso kosobe ak kowek kwo Kipsengwet! Inguni komuche Jehovah konyoun kaat Tengekwokikuk.

Angot imoche istoenge

Tengekwokikuk, imwochi Jehovah kole:

Ee Jehovah, ayani ale kimechon Jeiso ako raini kosobe kora. Asume ale ichutu oritab sobenyun ak inyoiwon kaat Tengekwokikyuk asi anyor sobet ne leel inguni ak tun kemeng'isye tuwan kipkoi ak kipkoi. Toreton asob ko a lakweng'ung. Amen. Johana 3:16

Soman Bukuit ne Tilil ak ong'alal ak Jehovah en betut age tugul!